

Broj: 01-11-4-1270-11/26
Sarajevo, 17.06.2026. godine

Na osnovu člana 69. stav (1) tačka b), stav (3) i člana 70. Stav (4) Zakona o javnim nabavkama („Službeni glasnik BiH“, broj: 39/14, 59/22 i 50/24), te na osnovu Preporuke Komisije za javnu nabavku, imenovane Rješenjem, broj: 09-11-4-1004/26 od 12.05.2026.godine, u postupku provođenja mini tendera za javnu nabavku usluga organizovanog prevoza putnika Potočari – Srebrenica, a u vezi sa Programom obilježavanja 31. godišnjice genocida nad građanima Srebrenice „zaštićene zone UN-a“ i ukopa identifikovanih žrtava iz jula 1995. godine „NE ZABORAVIMO“, po ovlaštenju federalnog ministra raseljenih osoba i izbjeglica, sekretar Ministarstva, *d o n o s i*

O D L U K U
O PONIŠTENJU POSTUPKA
LOT 10

I

Poništava se postupak mini tendera za nabavku usluga organizovanog prevoza putnika Potočari – Srebrenica u vezi sa Programom obilježavanja 31. godišnjice genocida nad građanima Srebrenice „zaštićene zone UN-a“ i ukopa identifikovanih žrtava iz jula 1995. godine „NE ZABORAVIMO“, za LOT 10 – nabavka usluga organizovanog prevoza putnika Potočari – Srebrenica, za sljedeće relacije: Srebrenik – Tuzla – Srebrenica – Milići – Zvornik – Pilica – Srebrenik; Srebrenik – Tuzla – Trnovo – Sarajevo – Tuzla – Srebrenik; Srebrenik – Tuzla – Kladanj – Vlasenica – Žepa – Vlasenica – Tuzla – Srebrenik, na osnovu člana 69. stav (1) tačka b) i stav (3), a u vezi sa članom 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24).

II

Ova Odluka objavit će se na web stranici ugovornog organa istovremeno s upućivanjem obavještenja ponuđačima o rezultatima postupka, u skladu sa članom 70. stav (6) Zakona o javnim nabavkama.

Obrazloženje

Postupak mini tenderisanja za nabavku usluga organizovanog prevoza putnika Potočari – Srebrenica, u vezi sa Programom obilježavanja 31. godišnjice genocida nad građanima Srebrenice „zaštićene zone UN-a“ i ukopa identifikovanih žrtava iz jula 1995. godine „NE ZABORAVIMO“, za LOT 10, pokrenut je na osnovu Poziva za dostavljanje ponuda broj: 01-11-4-1270/26 od 12.06.2026. godine, u okviru zaključenog okvirnog sporazuma sa više ponuđača.

Procijenjena vrijednost nabavke za LOT 10 iznosi 6.656,00 KM bez PDV-a. Kriterij za dodjelu ugovora je „najniža cijena“, u skladu sa Zakonom o javnim nabavkama Bosne i Hercegovine i uslovima okvirnog sporazuma.

Komisija za javnu nabavku sačinila je Zapisnik o otvaranju ponuda broj: 01-11-4-1270/26 od 12.06.2026. godine, u kojem je konstatovano da su za LOT 10 blagovremeno zaprimljene tri ponude, i to ponude ponuđača „Integral“ d.o.o. Kladanj, „Međeđa promet“ d.o.o. Sapna i „Ljaljić turs“ d.o.o. Čelić, pri čemu su svi ponuđači ponudili identičnu jediničnu cijenu od 3,20 KM bez PDV-a po jednom kilometru.

Imajući u vidu da je kriterij za dodjelu ugovora „najniža cijena“, te da su sve dostavljene ponude po navedenom kriteriju identične, Komisija konstatuje da nije moguće izvršiti rangiranje ponuda niti utvrditi najpovoljnijeg ponuđača za LOT 10.

Također, tenderskom dokumentacijom, odnosno pozivom za dostavljanje ponuda, nisu predviđeni dodatni kriteriji, potkriteriji niti drugi mehanizmi za razrješenje situacije u kojoj dvije ili više prihvatljivih ponuda sadrže identičnu

ponuđenu cijenu, usljed čega ugovorni organ nije u mogućnosti izvršiti zakonit izbor najpovoljnijeg ponuđača bez rizika povrede osnovnih principa javnih nabavki, naročito principa transparentnosti, jednakog tretmana i nediskriminacije ponuđača iz člana 3. Zakona o javnim nabavkama („Službeni glasnik BiH“, broj: 39/14, 59/22 i 50/24).

U konkretnom slučaju, nastala situacija predstavlja dokaziv razlog koji je van kontrole ugovornog organa i koji se objektivno nije mogao predvidjeti u vrijeme pokretanja predmetnog postupka javne nabavke, budući da ugovorni organ nije mogao sa izvjesnošću predvidjeti da će više ponuđača dostaviti potpuno identične ponude u pogledu cijene, niti da će usljed nepostojanja unaprijed propisanog mehanizma za razrješenje takve situacije nastati prepreka za zakonito okončanje postupka.

Slijedom navedenog, članom 69. stav (3) Zakona o javnim nabavkama („Službeni glasnik BiH“, broj: 39/14, 59/22 i 50/24) propisano je da ugovorni organ može otkazati postupak javne nabavke samo iz dokazivih razloga koji su van njegove kontrole i koji se nisu mogli predvidjeti u vrijeme pokretanja postupka javne nabavke. Također, u skladu sa članom 64. stav (1) tačka b) istog Zakona, a budući da su po kriteriju najniže cijene tri pristigle ponude bile identične, te nije bilo moguće izvršiti rangiranje ponuda, ugovorni organ donosi odluku o poništenju postupka javne nabavke za LOT 10.

POUKA O PRAVNOM LIJEKU:

U skladu članom 101. stav (3) Zakona o javnim nabavkama („Službeni glasnik BiH“ broj: 39/14, 59/22 i 50/24), protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana nakon što ugovorni organ obavijesti ponuđače da je ugovor na osnovu okvirnog sporazuma zaključen u odnosu na postupak dodjele ugovora u sklopu okvirnog sporazuma.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa u skladu članom 99. Zakona o javnim nabavkama („Službeni glasnik BiH“ broj: 39/14, 59/22 i 50/24).

PO OVLAŠTENJU MINISTRA

Esed Ivojević, sekretar Ministarstva

Dostaviti:

1. Ponuđačima u postupku
2. Komisiji za nabavke
3. a/a